

元和縣志卷之十四

水利

從來言東南水利者莫如范文正公仲淹上宰臣書郊司農丞亶六失六得書單進士鏗吳中水利書其間或主得水利或主去水害主得水利者卽大禹溝洫之方主去水害者卽大禹決排之法皆言全吳水利而一邑之措置不外此也元和水勢上承具區下注崑山太倉以入大海澹涵渟泓莫盛於此膏腴瘠薄之田咸資灌

元和縣志

卷十四

水利

一

溉使蓄洩寡術無以治水卽無以治田茲先按其脉絡循其分合所云吳地卑下觸處成川者一覽了然次條列水患詳陳治法得古人遺意而變通之有農田水利之責者準古酌今亦考鏡之一助也若夫太湖之原委與三江辨論之異同應載郡志中無庸備書志水利

元和水道距吳江者二由葑門接渡橋南行歷尹山夾浦至吳江之三里橋者正道也由接渡橋東行歷朝天湖尹山湖出同里河西口者間道也距崑

山者三由婁門東行歷陸金 夔亭真義至崑山者中路也由葑門東行歷黃石橋金涇滄唐浦吳淞江而收界浦或小瀆浦者南路也由婁門官瀆出陽城河東行收西湖灘歸綽墩者北路也與華亭相通者三由葑門瓦屑涇東行歷獨墅湖陳湖澱山湖謝澤圓泖而至華亭西門者中路也由葑門東行歷黃石橋金涇滄唐浦六直磧澳塘行而至華亭北門者北路也由葑門接渡橋南行歷尹山湖同里周莊章練塘尤墩而至華亭西門者南

元和縣志

卷十四

水利

二

路也識其經流餘可詳列焉

吳淞江太湖委也袤二百五十餘里其流西南自夾浦橋迤邐而東經官浦九里河東過鑊底潭自大姚分支東入陳湖過周莊通澱山湖又東至嘉定縣界又東北流合上海縣黃浦入海境內之川莫大於是

澹臺湖在太湖之東史記澹臺滅明南游至江註謂吳國東南澹臺湖其故居址所陷也東過寶帶橋入運河分流入朝天湖金涇滄直北正行則經葑

門環城爲濠至婁門東入婁江

尹山湖舊名尹山淹與獨墅湖合尾入朝天湖

朝天湖葑門東南出瓦屑涇過荷花蕩爲朝天湖黃卽

天蕩 註分 爲二失考也 收口爲新塘凡六里通獨墅湖新塘

之中爲浪打穿向與獨墅湖合有風濤之險明太

僕卿吳默築隄障之今賴以安

獨墅一作 樹湖湖之西爲朝天湖湖之北爲王墓湖湖

之東爲尹山湖每遭風波幾至斷渡東南最險處也

元和縣志

卷十四 水利

三

鑊底潭潭之首卽陳湖尾也又爲吳淞江橫經之道

比諸河爲深一名蛟龍潭一名車坊漾其北口爲

高家店過江田村東南爲大姚出口爲陳湖西折

爲搖城湖 搖城本越 姚王 所居後譌爲姚

陳湖周六十里一名沉湖相傳邑聚所陷 今湖底街 井可見

東南行爲小陳湖通白蜆江收口爲蕭田湖過周

莊鎮通長白蕩直東爲章練塘過此爲嘉善縣界

卽古由 拳縣 過白 江又東南行通澱山湖青浦縣界

金涇渰一名金鏡湖一名金鷄湖由葑門塘出黃石

橋爲西滄過此爲東滄中有花柳村間之南爲麋  
瀆北爲龍漣東六里爲斜塘又六里爲塘浦過鮎  
魚口非五龍橋南之鮎魚口乃吳淞江轉北而南之處由此

經千畝潭蓮花礫直東爲六直浦接崑山縣境

澱山湖爲蘇秀諸湖中最低下處東南與青浦縣界  
西南與吳江縣界湖北有范遷漾東西二宿浦東  
有朱沙港漕港邑中之湖吐納衆水者以湖爲雄  
長焉

沙湖在婁門之東一名金沙湖上通金涇滄下通吳

元和縣志

卷十四

水利

四

淞江而青邱前後戴墟其濼繞也北通婁江波濤  
馳突舟行者時瀕於危明工部主事姚文灝築隄  
用治河卷掃法後工部郎中傅朝繼之隄成廣三  
丈袤三百六十丈爲南北障蔽迄今民利涉云  
至和塘西自府城婁門東經沙湖又東過小彝亭大  
彝亭至眞義爲新陽縣界塘凡七十里內四十五  
里屬元和縣先是積水無陸民頗病涉宋至道間  
知府陳省華築隄皇祐間發運使許某建議築塘  
朝命王安石相視奏請如許議未之行也至和間

邱與權爲崑山簿慨然任事請郡守呂光祿居簡同心計畫始告蕝事焉塘成於至和年因名

下雉瀆由至和塘直東爲上雉瀆俗名米篩河又東爲下

雉瀆北折爲彭渰通鶉鷄城

彭渰在婁門外官瀆東北下通陽城湖施澤湖

陽城湖湖廣七十里長洲巨浸也東通巴城湖出隗

儻蕩爲崑山縣界東北爲施澤湖

卽陽城湖分  
流非二河也近

崑山常熟二縣界西北過相城湖北通昆城河入

常熟縣界南出婁江爲新分元和縣界按湖自橫

元和縣志

卷十四

水利

五

涇以西蓮花朵以東彝亭以北陽城村以南爲東湖蓮花朵陽城村以西石獅涇承天莊以東爲中湖官瀆在其南相城在其北承天莊在其東邢店港在其西湖雖分爲三實一湖也今唯東湖之半屬元和餘皆屬長洲云

按北與常熟縣通者爲蠡口爲冶長涇爲東長蕩西長蕩爲白蕩爲黃埭蕩爲漕湖爲鷺肫蕩諸水西北與無錫縣通者爲射瀆爲澣墅爲望亭新安諸水應詳載長洲縣志

河形

郡城河形橫者有 直者有四三橫河之西半為吳  
縣界故不載其四直河西二直河屬吳縣者亦不  
載餘長元分隸者備書之城中河形如人身血脉  
貴於聯絡貫注城外河形為漕輓及行旅商賈所  
必由或宣或洩所關甚巨丈丈廣狹舊界具在後  
有修濬者尚其考而知之

長元雖備書然  
界限仍自分割

城北橫河自婁門大關至張香橋長八十丈有奇濶  
四丈有奇 張香橋至華陽橋長一百五十丈有

元和縣志

卷十四

水利

六

奇濶三丈有奇華陽橋至周通橋長七十丈有奇  
濶三丈有奇 周通橋至臨頓橋長八十丈有奇  
濶三丈有奇 臨頓橋至中路橋 即天妃宮橋 長一百  
丈有奇濶三丈 西入長洲縣界

城中橫河自裏城河至顧亭橋長一百丈有奇濶四  
丈有奇 顧亭橋至昇龍橋長五十丈有奇濶三  
丈 昇龍橋至盡市橋長一百二十丈有奇濶三  
丈有奇 盡市橋至白蜆橋長三十丈有奇濶三  
丈 白蜆橋至甫橋長一百丈有奇濶二丈 甫

橋至馬津橋過北為長長五十丈濶二丈 馬津

橋至篠橋長五十丈有奇濶二丈 篠橋至草橋

長四十丈有奇濶二丈 草橋至閩橋長七十丈

有奇濶二丈 閩橋至乘魚橋長六十丈有奇濶

二丈 乘魚橋至樂橋長六十丈有奇濶二丈西入

吳縣界

城南橫河自葑門水關斜迤至望門橋俗名紅橋長六十

丈有奇濶四丈有奇 望門橋至望信橋旁有迎

葑橋長二百丈有奇濶四丈有奇 迎葑橋西轉

元和縣志

卷十四 水利

七

至清道橋俗名東小橋長一百丈有奇濶三丈有奇

清道橋至南 橋再至永安橋俗名西小橋長一百五

十丈有奇濶二丈 永安橋至平橋長六十丈有

奇濶二丈 平橋至飲馬橋屬長洲縣界長一百二十

丈有奇濶二丈西入吳縣界

城東直河自華陽橋起至石家角通濟橋長五十丈

有奇濶二丈 通濟橋至慶歷橋長七十丈有奇

濶三丈 慶歷橋至打急路橋長七十丈有奇濶

三丈 打急路橋至胡廂使橋長七十丈有奇濶

二丈 胡 使橋至通利橋長六十丈有奇濶二

丈 通利橋至衆安橋長四十丈有奇濶二丈

衆安橋至蘇軍橋長七十丈有奇濶二丈 蘇軍

橋至積慶橋長三十丈有奇濶二丈 積慶橋至

雪糕橋長三十丈有奇濶二丈 雪糕橋至寺後

橋長六十丈有奇濶二丈 寺後橋至寺東橋長

三十丈濶二丈 寺東橋至苑橋長四十丈有奇

濶二丈有奇 自此稍西行越中橫河之水  
接盡市橋過此爲官太尉橋 苑橋

至官太尉橋長六十丈有奇濶二丈 官太尉橋

元和縣志

卷十四

水利

八

越吳王橋

自此河形  
帶東向

長六十丈濶三丈

吳王橋

至延壽橋長七十丈有奇濶三丈 延壽橋至百

獅子橋長五十丈有奇濶三丈 百獅子橋至望

信橋長三十丈有奇濶三丈

自此稍東南行合城  
南橫河之水入望門

橋出  
葑門

城中直河自齊門賭賽橋至北新橋長一百丈有奇

濶三丈 北新橋至跨塘橋長一百五十丈有奇

濶二丈

自此稍東行入城北  
橫河仍南入任蔣橋

跨塘橋至任蔣橋

長五十丈有奇濶二丈 任蔣橋至善耕橋長七



十丈有奇濶二丈 善耕橋至東章家橋俗名白塔子橋

長八十丈有奇濶二丈 東章家橋至花橋長四

十丈有奇濶二丈 花橋至曹胡徐橋長三十丈

有奇濶二丈 曹胡徐橋至舊長洲學東橋過此為長

洲縣界 一百 有奇濶二丈 舊長洲學東橋至徐

貴子橋長四十丈有奇濶二丈 徐貴子橋至醋

坊橋長八十丈有奇濶二丈 醋坊橋至青龍橋

長九十丈有奇濶二丈 青龍橋至大郎橋長二

十丈濶二丈 大郎橋至顧家橋長四十丈有奇

元和縣志

卷十四

水利

九

濶二丈自此稍西行合中橫河之水仍南入竹榻橋

竹榻橋至金母

橋長一百丈有奇濶二丈 金母橋至夏侯橋長

一百二十丈有奇濶二丈 夏侯橋越南橫河至

倉橋仍入元和縣界 長四十丈有奇濶二丈 倉橋南行

迤東至帝師橋長六十丈有奇濶二丈 帝師橋

過歲有橋俗名福民橋 至烏鵲橋長一百丈濶二丈

烏鵲橋至帶城橋長二百丈有奇濶二丈 帶城

橋至善教橋俗名新造橋 長一百五十丈有奇係長洲界 濶

二丈 善教橋至春和橋俗名磚橋 長一百五十丈濶

二丈有奇 春和橋至葑門水關合南橫河之水自西北來合流

而出長六十丈有奇濶二丈至龍嘴倍濶水自此出葑門

婁門外河婁門市河即至和塘西西自永寧橋東至官瀆

口長四十丈有奇西濶七丈東濶九丈 官瀆口

東至永安橋長四百一十丈有奇濶九丈 壩基

河長三百七十九丈南北濶一十二丈東西濶四

丈

葑門外河安里橋至吳家涇長二百八十八丈濶四

丈有奇此為商賈行旅之通渠匠門塘長二百一十丈濶

元和縣志 卷十四 水利 十

三丈有奇此下為葑門外支河洋涇長二百七丈濶三丈

張墓司橋河長一百二十丈濶二丈有奇 尹

山鎮河 接運河東至廟橋長三百五丈濶三丈

有奇

閶門外河渡僧橋至上津橋南屬吳縣北屬長洲長一百五十

七丈八尺濶三丈 上津橋至下津橋南屬吳縣北屬長洲

長四百一十丈有奇濶三丈有奇 下津橋趨來

鳳橋至楓橋灣南自馬舖橋以西急水橋以東為元和界北岸俱屬元和縣界

長五百二十丈有奇濶三丈有奇 楓橋至澣墅

關皆長洲計二十里堤長二千六百丈有奇濶狹

不一 楊庵浜河自三板橋北行轉東出通貴橋

長七十七丈濶一丈七尺 山塘橋河南接沙盆

潭北行至通貴橋長一百一丈有奇濶三丈有奇

此下為商賈  
行旅之通渠 通貴橋至通濟橋長三十六丈有

奇濶二丈有奇 通濟橋 半塘橋長三百丈有

奇濶三丈有奇 此為白公  
堤之東段 半塘橋至西山廟橋

長二百五十丈有奇濶四丈有奇 此為白公  
堤之西段 塔

影浜等河三道共長一百六十三丈濶三丈有奇

元和縣志

卷十四 水利

水利議

行水之法上流宜疏下流宜洩太湖受宣歙杭湖諸  
山之水而分入於三江其出吳江垂虹橋順流而  
東漸次入吳淞江者境中上流之水也永吳縣鮎  
魚口之水遶郡城而東歷崑山太倉從劉家河入  
海者境中下流之水也上流宜疏明侍郎徐貫議  
開吳江縣江尾菱蘆之地鑿長橋水竇導引太湖  
之水散入吳淞江澱山湖二處業已見之施行矣  
下流宜洩范文正夏忠靖周文襄諸公或聞茜涇

下張七鴉鹽鐵等處由劉家河直達 海開白茆  
福山湖許浦直達於江歷歷有成效矣而邑中水  
利不興一遇大水巨浸稽天有渟滯三五月而不  
得疏通者及猝遇燥乾土田犖确無從引水灌溉  
揆厥所由一由上流下流等處前人功績未能繼  
續疏洩既久漸就湮淤一 境內之水縱橫旁溢  
而治木治田之法無人焉條議而爲之備是以旱  
既苦旱澇尤苦澇而上田下田鈞蒙其害也夫元  
和水勢旁通衆瀆上流諸水譬諸咽喉下流諸水

譬諸尾閭而境內諸水則其腹也咽喉不入尾閭  
不洩固足爲生人之病然使咽喉可入尾閭可洩  
而腹中飽滿不能承受以達之於下其不同歸於  
病者幾何則元和之水利不可不急求矣顧欲求  
其利先當知其弊約而言之其弊有五高鄉之人  
但期通水而不知濬渠蓄水所以常苦旱低鄉之  
人但期洩水而不知築圍障水所以常苦潦偷目  
前之安念他日之禍一弊也浦瀆涇港歲久不濬  
岸之泥霖雨蕩滌漸入於河日積月累河身填

淤不能容水二弊也河之四旁雜植 蘆茭蘆旣  
生泥沙附之可種菱芡菱芡蔓衍泥沙愈多可種  
稻苗有力者陞科輕糧傳爲世業入之版籍而不  
知河流日狹馵成平田淫雨暴漲膏腴之壤並爲  
巨浸以前所陞之毫末易所浸之鉅萬以有力者  
之牟利易萬戶之災荒三弊也明末至今中間嘗  
建開河之議矣然知治水而不知治田所以民之  
受益者寡蓋開河而不築岸則水終亂行開河而  
不得蓄瀉之宜則水旱無備加以吏胥侵漁豪右

梗議金錢糜費不旋踵而仍復壅遏四弊也古者  
治水治田各有專司唐宋以來都水有監營田有  
使開江有卒撩淺有夫前明水利等官巡按御史  
何永芳奏請革除自後屢興屢廢旣無專官而爲  
有司者惟以簿書期會可幸無過鮮有以斯民疾  
苦之原國家財賦之本畱心經畫以致水政日壞  
而官民俱不得其安五弊也積此五弊而不爲之  
所尚得歲稱豐稔以供上上之賦乎哉宋郊宣云  
治田者本治水者末不治其本而治其末未易一

二治也備列四事酌而行之一日築圩裏田二曰開治港浦三曰修築塘圩四曰除去壅塞古人云圩者圍也內以圍田外以圍水蓋低鄉支河之水容受衆流比田反高不設圩圩以圍之則彌望皆水勢不可遏范文正公云低田賴圩圩甚於都邑賴城池乃篤論也築圩之法畧分三等水中創立無基而成者必用木用石方可奏功此最難者也平地築基雖無可憑藉然不費木石積累自成此稍易者也向有古岸後漸傾頽者止費修葺不煩

剏豎此尤易者也其間岸之高卑更須相度地勢大抵極低之田務築極高之岸其田之稍高者岸自不妨稍卑雖田有高卑而岸能齊一則無患矣圍岸之內又須別立子岸子岸者圍岸之輔也其高下較圍岸之半而過之蓋慮外圍水浸易壞故復作內圍以固其隄防兩者層次束水捍禦既周而又每處立圩長一人越一二年率逐圩之人修治之將田治而水亦與之俱治昔熙寧四年蘇州大水獨崑山陳顧陶湛晏數家之圩高大了不爲

患足有明徵此 圩裏田治下田之最急者也開河之法循古人遺意或五里七里而爲縱浦或七里十里而爲橫塘塘浦濶者二十餘丈狹者十餘丈深者一二丈淺者幾及一丈卽開濬之上築爲隄岸塘浦日以濶深隄岸日以高厚其法先開支河旁及支中之支次及幹河旁及幹中之支慮奸僞售欺則立信椿於水以試之慮淺深不一則行木鷺於水以齊之如是數年遠近無不治之水而河之勢自高於江江之勢自高於海矣他如沿江

近海高仰之處凡江流潮汐可以引入者或爲縱浦或爲橫塘亦如下田之法而深則過之將旱可庠救水可旁瀉此高下之所共爲利賴者也隄之當修者如至和塘達崑山七十里塘之兩岸舊又有六塘四十四浦六十四涇以接引河澤滅渡橋南塘達吳江三十餘里吳江以南又三十餘里元和塘達常熟幾及百里塘之兩岸舊皆多設塘浦涇港水洪一以承太湖之水一以瀉毘承陽城二湖之水歲月旣久波流蕩齧日就廢壞塘浦涇港

水泐亦多闕遏宜築土甃石務完務堅而又廣爲  
橋梁釀其渠以出水走其流以至江俾向時舊規  
一朝頓復通溝洫之宣瀉利行人之往來莫便於  
此至論除去壅塞其向爲河身而今爲平陸者則  
當稽其故道量其淺深而開除之其芟蘆叢生菱  
芟滋蔓與夫橫截魚斲約 水勢致波流不行潮  
秒漸積者則嚴爲禁止而疏滌之不規小利不阻  
權勢不委奸胥二三年間諸弊可除河流自濶河  
身自深也凡境內之水總宜加開除疏滌之功而

吳淞江一帶漁利者倍多壅塞亦倍甚相厥緩急  
而次第施之則可以無此患矣顧天下之事專任  
則易爲力兼及則難爲功方今府州縣正官職守  
煩重而佐貳事權又輕宜倣宏治年間舊例或設  
郎中一員或設主事一員專職水利董率屬官曉  
諭鄉民務使瀕河之田勇往修治先治低窪後及  
高區果實心任事者督撫勘驗上聞於朝以憑超  
擢則職守者競勸民利不期自興此計之最上者  
也否則鄉里之大家一方之有德望者率先勤勞



倡導閭鄙爲隄防之事行之一圩則收一圩之利行之數圩則收數圩之利聞風興起所在效法不費國家金錢而在民之濬幾同於在官之濬此又事之經久可行者也不然人事不修諉之天行上下苟安日以墮壞其害可勝道哉若夫上流之水從未能如單鍰之議建千橋於吳江蘇子瞻之議盡徙吳江之民以爲他州之利然如長橋之七十二畝長橋以南之二百餘畝凡填爲平壤者須急爲疏通而豪強侵佔菱蘆之地宜盡加墾闢使水

元和縣志

卷十四

水利

十七

行迅疾其流及遠也下流之水如茜涇下張等處前人所開鑿者宜循其故道歲加浚深而渾潮沙泥不致倒入也如是境內之水利修上流下流亦受其益上流下流之水利修境內益蒙其利水治而田無不治矣至於城中水道雖多湮塞然橋梁石岸故跡可稽司民社者按三橫四直幹河支河以通其血脉人工較易糜費較省不必如治田治水詳加論列云

大河之瀆波浪衝齧田畝往往淪沒於水不妨種菱蘆以固隄岸此

與淤淺處不同但不得援此籍口耳

夫欲去水之害者必盡水之利非區區水利止於去  
害而已也周禮職方曰其澤藪曰具區 川三江  
其浸五湖夫曰澤藪非如長江天塹滔滔江漢之  
地矣蓋其底淺其流漫其土塗泥易生百物昔入  
擅三江五湖之利比於秦楚之沃野雲連今據水  
道一自湖洲諸港滙於鶯 湖溢於龐山湖陳湖  
白蜆江澱山湖趨於三泖歸於黃浦出海一自吳  
江趨於吳淞江出海一自胥門鮎魚口出遶郡城  
之婁門經至和塘由崑山入太倉劉家湖出海元

元和縣志

卷十四

水利

十八

和割長洲之半而入水之路元和實爲襟喉水利  
治則上承下洩田不爲災水利不治則漫衍泛溢  
敗禾傷稼固其勢也然人知吳田遇水之爲害而  
不知遇旱之害更可憂自明初築東壩蕪湖以上  
九陽江之水已不入太湖西北之源旣絕則下流  
稍乎下流旣乎則潮泥易塞而入江之路漸以微  
矣往年六月不雨至八月東湖爲涸舟楫往來僅  
畱帶水而陳湖獨墅諸河積水之區幾如晨星之  
麗漢古人鑿渠皆以溉田非止爲救溺計也吳都

所賦異熟之稻以今地 考之實不能再熟而稻  
秫菰粱之類實非水不滋一遇旱災束手無策亦  
何取乎江湖之相灌輸哉必欲復禹之故績則東  
壩宜開令九陽江之清水復入太湖湖流迅疾自  
不至平波漫流有填淤之患且江水高於湖湖水  
高於海順其勢而利導之歲卽旱乾江流自可長  
引也如以溧陽溧水二邑水患爲憂不知東壩雖  
閒原可建閘數重千橋走水量水勢之緩急而啟  
閉之豈卽有衝決之患哉且當時原爲明祖卜陵

鍾山引水北拱用陳嵩之說築東壩截九陽江之  
水以激收之非專爲利民計也然俗尚因循易撓  
衆論其說難行若築堤護田不惟爲捍水之良圖  
實可爲救旱之至計試言其說東南大澤大概低  
淺平時水不過三尺一經枯旱瀰望沙塗田中旣  
無水養禾而田外之水遠至一二里外雖有萬牛  
不能桔槔而上誠於旱乾之時或三冬水涸之日  
相葑門以外東南大澤所在令民圩外掘壕卽取  
壕泥堅築外岸壕圩濶深則岸圩高厚又令每圩

設水閘斗門潦則夾塘可以護田旱則長溝可以灌溉而又設田畷之官嚴賞罰之令量圩計田度田出人計人出錢不遺力不後時即日置數百車日役數千人自河而港自港而田或以人或牛或以帆務力省而功倍

風車式用車盤一車軸一軸頭置撥其上畧如午車

之而廣加倍盤上建篲篷五風大則三之篷高八尺濶三尺斜引其篷以之視風之大小以爲高下大旱之歲必有大風曰南撩日趁灌水之速更疾於牛只用一人料理其側五六月間用以灌塘或以溉田一日之用可以省數人之費而又無芻攘竊之患揚州高郵泰興之間皆用之而吳人不知坐視苗之黃萎而莫知救可嘆也而又恐庠水貪饕之不齊

元和縣志

卷十四

水利

二十

也則鳴金以一之恐決渠盜水之不免也則擊柝以防之恐怠力玩時勞逸先後之不均也則籍記其役以程之蓋衆心齊則功立舉趨役均則事不隳又何憂乎旱魃之爲虐哉宋時單鍔邾亶之說並行一時原其旨大率鍔之議詳於導水亶之見詳於治田二公之說非有偏也合之則愈美耳今以湖水泛溢之故而念川原滌滌之可虞必利水之速行以爲快是何異因噎而廢食也故曰去水之害者必盡水之利是在濟時之相賢司牧者之

責矣

三吳水利書目

范文正有言水利未興橫議先至非朝廷主之則無功而有毀故守土之人無建事之意信哉范公之言也宋元以來言三吳水利者不下數十家大抵轉相祖述救弊補偏而水不免於泛濫者任事之難其人與工費之無所出也誠有人有財上得其官下應其役集舊說而經畫之水何患不治因采其尤深切著明者備其目於左

元和縣志

卷十四

水利

二十一

宋范仲淹上呂夷簡水利書

衛涇與提舉趙霖言水利書

宜興單鏐吳中水利略

崑山邗廛言蘇州水利

邗廛重濬白鶴漚

邗橋水利書

水利考

都水庸田使司行都水監集江湖水利

都水書吏吳執中言水勢

大德初都水監開江置 閘議

大德十年都水監任仁發濬 淞江

至人初江浙行省督治田

泰定初開江復立都水庸田使司置石

潘應武言決放湖水

永樂初尚書夏原吉治吳淞江諸水

宏治中邑人史鑑議

大學士徐階論水利書

嚴文靖訥水利圩圖序

元和縣志

卷十四

水利

二十二

宗伯陸樹聲與按院論水利書

嘉靖中巡按呂光洵督濬塘浦疏

嘉靖中編修王同祖治水要略

袁黃三吳水利考

太僕歸有光三吳水利論

歸有光與熊兵道書

歸有光與縣令書

隆慶三年巡撫海瑞開吳淞江疏

天 四年巡撫周起元

崇禎十年御史李模浚吳淞諸水疏

康熙十年巡撫馬祐浚劉河吳淞江疏

尚書沈德潛元和水利議

元和縣志卷之十四

元和縣志

卷十四

水利

二十三